

定內舍人二人左右近衛各四人但任人賜爵等並准三宮一如先帝策命忠仁公故事

〔公卿補任醍醐〕左大臣從二位藤時平 延喜二年正月廿八日賜別封二千戶

〔公卿補任朱雀〕攝政左大臣正二位藤忠平 延長九年五月廿日賜內舍人隨身左右近衛四人任人爵人並

准三宮略○中 承平二年二月廿九日宣旨聽乘牛車出入上東門十一月廿六日叙從一位

〔日本紀略朱雀〕天慶二年正月廿八日太政大臣忠平○藤原任人賜爵並准三宮一如貞觀故事

〔公卿補任圓融〕關白太政大臣從一位藤兼通 貞元二年十月十一日依病辭關白并太政大臣上表

即有勅許十一月四日依請停關白讓于左大臣藤原賴忠同日詔任人爵人准三宮

〔本朝文粹二〕充華山法皇外祖母惠子女王封戶年官年爵勅 慶保胤

勅漢武即位臧兒遇封誠是眇代之恒規抑亦前史之令典也朕外祖母王氏伊尹妻禮法在心閨闈垂

範朕當幼日早別先妣懷祖母視朕亦猶子朕報祖母未如親往年厭世歸道出家為尼何以塵俗之

風妄訪勸念之月授邑土三百戶并年爵內外官三分等聊為湯沐資兼與役從之輩主者施行

永觀二年十二月十三日

〔日本紀略九〕寬和二年六月廿八日乙丑勅賜攝政右大臣藤原兼家內舍人二人左右近衛各四人為

隨身

〔本朝文粹四〕為入道前太政大臣藤原兼家辭職并封戶准三宮第三表 江匡衡

臣某言頻獻表奏未蒙照臨仰前疏而增戰栗濡秃筆而惱虞松臣某謝中臣伏惟察能授官上聖為之布

德揣分受職往賢由其全身若授受乖其宜則如養魚鼈於層雲之巔棲鳥雀於重淵之底者也臣齡先

懸車而身已病器非負鼎而力早衰騏驥之病也驚馬先之况驚馬之病乎孟賁之衰也庸夫蔑之况庸

夫之衰乎凡登高秩者必飾謙挹之詞至大年者即述歸老之志今臣所請異於彼焉夫事無兩全物難

俱有連枝或臨艾服分凋枯臣之餘六旬者可謂家老末葉多列槐庭兮榮顯臣之居三公者是摠國卿